

ludis maxima pars diei consumitur; unde, quæso, suppetunt res? Ex mercatura? Minime, sed ex ære alieno.

Alterum genus est eorum, qui absolutis studiis academicis, aut collegia intrant, aut magistratus civiles ambiunt, aut judicium ordini associantur, aut ceteris muneribus publicis funguntur, maximisque demum honoribus afficiuntur; quorum ergo auctoritas maxima in civitate habetur. In hoc ordine non solum fidès in negotiis publicis privatisque exspectanda est, sed etiam religio ac virtutes singulares, quæ ex vera religione fluunt, ut: abstinentia, temperantia, patientia, modestia, pietas etc. Sunt enim docti viri, homines eruditæ, omnibusque ingenii facultatibus instructi; habent etiam philosophandi facultatem, qua si recte uti velint, ad certum quoddam propositum aut decretum in religione pervenire debent.

*Sed religio non discitur in scholis.* Quamquam olim sapientes habiti fuere, qui supra vulgus sapere putabantur: et sane, si vera fateri velimus, philosophia majorum, majorem redolent sapientiam, quam recentiorum. Erat enim popularis, et ad captum hominum accommodata. Versabatur cogitatio antiquorum circa mores hominum; in emendandis vitiis naturæ humanae plurimum temporis atque studii consumebatur. Hinc mirabiles virtutes peperit philosophia eorum, qui vere philosophi audiebant, scilicet: miram animi constantiam in maximis periculis, et in ipsa morte immortalitatis magnam spem; item summam in doloribus patientiam, omnium voluptatum abstinētiā, in omnibus animi affectibus temperantiam; virtutes, quas sola religio Christiana postea produxit. Plurima sunt exempla eorum, qui injurias non modo ho-

rium et inimicorum, sed etiam amicorum et civium æquo animo ferre sustinuerunt. Ubinam nunc tales sunt philosophi? Monstrate, si potestis. Sed ne unicūm quidem invenietis, si vel lucerna media die quæratis.

Versantur hodierni in speculationibus inanibus, in objectis astra superantibus, in sublimioribus idea- rum sphæris; contemplatur obſtupfactum vulgus lapidem philosophicum nubibus involutum, miratur et quærit; quid est quæſo? Non intelligo. Et sane quis est, qui intelligere potest sapientiam semet ipsam superantem? Quis capit profunditatem idearum obſcuratam contradictionibus contrariis? Sicut: A, est A, non ergo B, non C, non D; ergo: A est limitatum, nec definitione opus est. Vel hujusmodi propositiō: unum involvit alterum tamquam contrarium sui; alterum involvit tertium, tamquam medium. Quis est, qui tali deductione facta trinitatem negaverit? Verum enim vero, si sancta trinitas firmioribus fundamentis non niteretur, quam illiusmodi argumentis, de quibus nemini persuadebitur; jam pridem unitatis vinculum ruptum videremus.

Gloriatur hodierna philosophia de contrariis unendis, de adversis reconciliandis, de oppositis confluentibus, quibus rebus omnis controversia tolletur, et quidquid contrarium videtur, reconciliabitur; neque tamen contradictionem in dictis et factis philosophorum tollere potest.

Nam vita eorum, si non est vituperanda, non est admodum laudanda: in cathedris sublimes, in suggeſtu singulareſ, ſed in foris vulgares homines nullis virtutibus inſignes; in administranda republiea